

საბჭოთა აღმშენებლოება და ქართველი მეცნიერები

საუბარი პროფ. კ. კეკელიძესთან

(საბჭოთა აღმშენებლოების ხელის შეწყობა მეცნიერ-ტექნიკოსთა საზოგადოების დაარსების გამო)

ჩვენი გაზეთის 16 ოქტომბრის ნომერში მოთავსებული იყო დეკემბა, რომელიც იუწყებოდა, რომ საბჭოთა გამოჩენილ მეცნიერთა და სხვადასხვა საბუნების დაოგების სპეციალისტთა თანხრობით მოსკოვში ეწყობა სოციალისტური მშენებლობის ხელის შემწყობი მეცნიერ-ტექნიკოსთა საზოგადოება, რომლის წესდებაც ესლა იხილება სათანადო საბჭოთა ორგანოებში. ამვე ნომერში მოთავსებული იყო საინიციატივო გვუთის დეკლარაცია. მოსკოვში ამ საზოგადოების დაარსების გამო, ჩვენი გაზეთის თანამშრომელი შეეცოთა ქართულ მეცნიერების ერთ-ერთ თვალსაჩინო მუშაკს, პროფ. კ. კეკელიძეს იმის შესახებ. თუ როგორ შეხვდენ ქართველ სამეცნიერო წრეებში შემოხსენებულ საზოგადოების დაარსების იდეას.

— სოციალისტური მშენებლობის ხელის შემწყობ მეცნიერ-ტექნიკოსთა საზოგადოების დაარსების იდეას, — განაცხადა პროფ. კ. კეკელიძემ, მტად თანაგრძობით შეხვდენ ყველა ქართველი მეცნიერები და ტექნიკის სხვადასხვა დარგის სპეციალისტები.

საბჭოთა ხელისუფლების მიზანი — სოციალისტური აღმშენებლობა — ამ ათი წლის მუშაობით უკვე საკმაოდ გამოაშქარავდა.

ჩვენ, ქართველი მეცნიერები, რომელნიც საზოგადოების ეკონომიურ-კულტურული გარდაქმნისათვის წარმოებულ ბრძოლის აქტიურ მონაწილეებს წარმოვადგენთ, საჭიროდ და აუცილებლად ვსთვლით, — რაც შეიძლება დაუახლოვდეთ იმ პრაქტიკულ საქმიანობას, რომელსაც საბჭოთა ხელისუფლება სოციალისტურ მშენებლობის განსახორციელებლად აწარმოებს.

ქართული მეცნიერების მუშაკთა კოზიცია ორ მობირდაპირე სისტემას, სოციალისტურ და კაპიტალისტურ სისტემებს შორის გამართულ ბრძოლაში საკმაოდ ნათლად არის გამოჩეკული, და ახლა ჩვენს მორიგ ამოცანას წარმოადგენს სოციალისტური მშენებლობის განვითა-

რებისათვის ხელის შეწყობა პრაქტიკულ დონისძიებებით.

მეცნიერთა ახალი საზოგადოება სოციალისტური მშენებლობის საქმეს დებმარება იმით, რომ ის იქნება არა მარტო სოციალისტურად მოაზროვნე სამეცნიერო-ტექნიკურ მუშაკთა გაერთიანება, არამედ ისეთი ორგანიზაცია, რომელსაც გარკვევით ექნება გათვალისწინებული, თუ რა მიზნებს იხსახვს და რა პრაქტიკული ღონისძიებებით იბრძვის ამ მიზნების განსახორციელებლად. საბჭოთა რესპუბლიკების წინაშე მდგარი ამოცანები კოლოსალურად დიდია. ახალი, სოციალისტური საზოგადოება შენდება მტკიცე განსაზღვრული გეგმით, და მაშასადამე, ამ მშენებლობის დროს აღნუსხული, გათვალისწინებული და დაბუშავებული უნდა იქნეს გრანდიოზული სააღმშენებლო გეგმის ყველა დეტალები, ყველა შემადგენელი ელემენტები. ეს უდიდესი ამოცანები მოითხოვენ კოლოსალურ შრომას, ამ შრომის გზის მაჩვენებელი. — საბჭოთა აღმშენებლობის პრინციპები — ჩვენ გვაქვს და სწორედ იმითომ, რომ ჩვენ შრომას აქვს განაზღვრული მიზანი, ჩვენი მუშაობაც უნდა იქნეს არა უსისტემო, სტიქიური, არამედ მტკიცედ ავტომატური და გარკვეული მიმართულების მქონე.

ერთ-ერთი საუკეთესო ბასუხი, რომელიც ჩვენ შეგვიძლია გავცეთ და გავცემთ კიდევ მათ, ვინც ყოველგვარ საშუალებით ხელს უშლის ჩვენი რესპუბლიკების სამეურნეო განვითარებას და კულტურულ მშენებლობას, იქნება მოწყობა შემოხსენებული საზოგადოებისა, რომელშიც, მე დარწმუნებული ვარ, დიდი ხალხით მიიღებს მონაწილეობას ქართული მეცნიერების ყველა მუშაკი.

ჩვენ, ქართველი მეცნიერები და ტექნიკის მუშაკნი, ველით წესდებს, რომლის მიღებასთანვე შევუდგებით ანალოგიური საზოგადოების ორგანიზაციას.